

**Ullensvang  
kommune**



**OFFENTLEG  
VATN- OG AVLØPSANLEGG  
OG RENOVASJON**

[ullensvang.kommune.no](http://ullensvang.kommune.no)

# VASSKVALITET



## Vatn er sunt, året rundt

Vatn er svært viktig for helse vår, og vi treng 30 ml væske per kg per dag. Ein person på 70 kg treng derfor om lag 2 liter væske per dag. Då er godt vatn eitt av dei beste alternativa.

Ullensvang kommune har eit omfattande vatn- og avløps-system grunna kommunens geografi og utstrekning. I kommunen har vi til saman 120 VA-stasjonar, så som vass-behandlingsanlegg, pumpestasjonar, avløpsreinseanlegg, høgdebasseng o.l. VA-avdelinga er ansvarleg for drift og vedlikehald av alle kommunale VA-anlegg og leidningsnett. Kommunen forsyner nærare 8 000 fastbuande abonnentar.

Vi er i dag 13 tilsette i 12 stillingar + 1 lærling. 7 av desse er driftsoperatørar som jobbar kontinuerleg med å drifte VA-anlegga. VA-avdelinga har også ansvar for saks-handsaming og oppfølging av private avløpsanlegg.

### MÅLING AV VASSKVALITET

Vass-, avløp-, og vassresipientprøvar vert analysert på akkreditert laboratorium.

Kommunen leverer årleg:

- ca. 1 400 vassprøvar og ca. 10 000 analysar
- ca. 200 avløpsprøvar og 500 analysar
- ca. 250 resipient- og badevassprøvar og ca. 2 000 analysar

### FOKUSOMRÅDE:

- reduksjon av lekkasje frå leidningsnettet for drikkevatt
- måle inn leidningsanlegg og oppdatere kartsystem
- oppgradering av vass- og avløpsreinseanlegg
- oppsamling av spreidd utslepp
- økt tilsyn og oppfølging av private avløpsanlegg
- levere gode tenester

### NØDVATN

Kommunen har plan og løysing for nødvatn i ein akutt situasjon, kor ein då vil levere ut drikkevatt i tankar og behaldarar.



# OFFENTLEG VATN- OG AVLØPSANLEGG

## VASSLEKKASJAR

Ullensvang kommune har eit gammalt leidningsnett, derfor har vi òg ein høg lekkasjeprosent. Kommunen har 130 km med vassleidningsnett registrert i databasen.

Vi arbeider kontinuerleg med å avdekkje og utbetre vasslekkasjar. Dersom du mistenkjer feil eller lekkasje på offentleg eller privat leidningsnett må du melde frå til VA-avdelinga. Ved å redusere lekkasjar får vi lågare kostnader på vassproduksjon, og dermed lågare vassgebyr.

## VATN- OG AVLØPSGEBYR

Gebyr for vatn og avløp er todelt med eit fastgebyr og eit løpande gebyr. Fastgebyr er likt for alle. Det løpande gebyret vert rekna ut frå areal på bustad, dersom ei-gedommen ikkje har vassmålar. Ved vassmålar betaler ein for det ein faktisk brukar, med forskuddsbetaling og avrekning ein gong i året. Gjennomsnittsfbruk av vatn per år for ein vaksen er 50 m<sup>3</sup>. Næringseigedommar og offentlege verksemdar skal ha vassmålar. Det kan vere lønnsamt å få montert vassmålar i forhold til å betale etter areal. Vassmålar må monterast av ein godkjent rørleggjar.



## LØNNER DET SEG MED VASSMÅLAR?

Gjennomsnittleg forbruk av vatn per år for ein vaksen person er 50 m<sup>3</sup>. Dette er eit eksempel på årleg kommunalt gebyr for vatn og avløp for ein husstand med to vaksne med og utan vassmålar i eit husvære på 120 m<sup>2</sup> (prisar gjeld for 2020 og er inkl. mva.):

## TRENG DU MEIR INFORMASJON?

Du finn meir informasjon om vatn og avløp på Ullensvang kommune si heimeside. Her finn du også relevante forskrifter.

[ullensvang.kommune.no/?page\\_id=801](http://ullensvang.kommune.no/?page_id=801)

### Utan vassmålar

Fast gebyr vatn		905,-
Variabel del: 120 m <sup>3</sup> x kr. 40,23	kr. 4 827,60 =	5 723,60
Fast gebyr avløp		982,36
Variabel del avløp 120 m <sup>3</sup> x kr. 43,60	kr. 5 232,- =	6 214,36
<b>Totalt for VA utan vassmålar</b>		<b><u>11 934,96 per år</u></b>

### Med vassmålar

Fast gebyr vatn		905,-
Variabel del vatn 100 m <sup>3</sup> x kr. 33,55	kr. 3 355,- =	4 260,-
Fast gebyr avløp		982,36
Variabel del avløp 100 m <sup>3</sup> x kr. 36,34	kr. 3 634,- =	4 616,36
<b>Totalt for VA med vassmålar</b>		<b>8 876,36 per år</b>
<b>Årleg reduksjon med vassmålar</b>		<b><u>3 058,60 per år</u></b>



# Få ned avløpsgebyret med do-vett

Årleg brukar kommunen store ressursar på å reparere og vedlikehalde pumper, samt fikse lekkasjar på offentlege - og private røyr. Vaskefiller, våtserviettar, q-tips og andre gjenstandar tettar røyra og set seg fast i kloakkpumpene. Ved å kun kaste dopapir i toalettet, vil kommunen nytta færre ressursar på reparasjon og vedlikehald, som igjen vil føra til reduserte kommunale avgifter!

## VISSTE DU AT ...

- prisen for å skifte ei pumpe er på kr 40 000–100 000,- (avhengig av storleik)?
- prisen for leidningsbrot/lekkasje er på kr 30 000–60 000,-?

## HAR DU DO-VETT?

Det er berre dopapir som skal kastast i do! Tette røyr, kloakklekkasjar, høgare kommunale avgifter og rotter i avløpsnettet kan bli konsekvensane dersom du kastar andre ting enn dopapir i do. På [www.dovett.no](http://www.dovett.no) og [www.fettvett.no](http://www.fettvett.no) finn du mange nyttige tips og forklaringar på kvifor du ikkje bør kaste anna enn dopapir i do.

## VISSTE DU AT ...

- q-tips og våtserviettar ikkje løyser seg opp i vatn og derfor set seg fast i røyra?
- vaskefiller tettar røyra og set seg fast i kloakkpumpene?
- feitt og matrestar frå matlaging stivnar i røyra slik at dei blir tette? Feittet tiltrekkjer rotter! Hell derfor ikkje feitt og matrestar i vasken eller i do.

## FEITTUTSKILJARAR

Eit stort antal verksemder i kommunen har påslepp av feittholdig avløpsvatn til det offentlege avløpsnettet. Desse må ha ein feittutskiljar for å forhindra at pumper, nivåfølarar og røyr blir tilgrisa og øydelagt av det feittaldige vatnet. Fjerning av feitt frå desse instrumenta kostar mykje tid og pengar.

## DETTE GJELD MELLOM ANNA:

- Restaurant, bakeri og kafé
- Gatekjøkken og kiosk
- Kantine
- Matbutikk med varmdisk

## PRIVATE AVLØPSANLEGG

Alle som har innlagt vatn i bustad eller fritidsbustad skal ha ei godkjent avløpsløyse. Før etablering av nytt avløpsanlegg, skal det liggje føre:

1. Godkjent søknad om utsleppsløyve etter Forureiningsforskrifta:  
<https://lovdata.no/dokument/SF/forskrift/2004-06-01-931>
2. Godkjent byggesøknad etter Plan- og bygningslova:  
<https://lovdata.no/dokument/NL/lov/2008-06-27-71>

## NÅR MÅ DU SØKJE OM UTSLEPPSLØYVE?

1. Før etablering av nytt utslepp av avløpsvatn
2. Før vesentleg auke av utslepp
3. Før endringar på det utvendige avløpsanlegget

Det er utførande entreprenør (ansvarleg søkjar) som skal søkje på vegner av eigar (tiltakshavar). Ved nyoppføring av bustad eller fritidsbustad må vatn og avløp vere sikra før byggesøknaden kan bli godkjent. Det er derfor lurt å søkje om utsleppsløyve tidleg i byggeprosessen. Dette gjeld òg i forbindelse med frådelling av tomt. Søknaden skal sendast til postmottaket i Ullensvang kommune:

[postmottak@ullensvang.kommune.no](mailto:postmottak@ullensvang.kommune.no)

For informasjon om kva søknaden må innehalde, sjå § 7 i den lokale forskrifta om utslepp frå mindre avløpsanlegg:  
<https://ullensvang.kommune.no/?article=forskrift-om-utslepp-fra-mindre-avlaupsanlegg>



## Offentleg vatn- og avløpsanlegg

### TILKOPLING TIL KOMMUNALT VA-ANLEGG

For å ha innlagt vatn og avløp skal det søkast om sanitærabonnement. I tillegg skal det leggjast ved eit oversiktskart. Kart kan fåast hos avd. VA i kommunen.

Søknaden er ikkje godkjent før ferdigmelding VA er levert til kommunen. Søknaden må sendast av ein godkjent røyrleggar. Informasjon om tilknytingsavgift og andre eigedomsgebyr finn du på heimesida til kommunen

## Hardleiken til vatnet i kommunen:

Heile vestlandet ligg på 3 – 4 grader dH

Hardleiksklasse	Milligram kalsium per liter mg Ca/l	Tyske hardleiksgrader dH
Særs blautt vatn	0 – 15	0 – 2,1
Blautt vatn	15 – 35	2,1 – 4,9
Middels hardt vatn	35 – 70	4,9 – 9,8
Hardt vatn	70 – 150	9,8 – 21
Særs hardt vatn	> 150	> 21

I nokre tilfelle så må ein leggja inn hardleiken på vatnet før ein tar i bruk ny oppvaskmaskin.

## Kontrollgebyr for mindre avløpsanlegg

I Ullensvang kommune har vi i underkant av 2 000 mindre avløpsanlegg som vi skal føre tilsyn med. Dette gjer vi for å sikre at alle krav i utsleppsløyva blir følgde og at anlegga ikkje bidreg til forureining. Kontrollgebyret dekkjer tenester som kontroll og tilsyn med mindre avløpsanlegg, prøvetaking av vassresipient (sjø/vatn/elv) og analysar. Gebyret dekkjer òg oppfølging og kontroll, til dømes ved å gje pålegg om utbetring av anlegget. Eigar av anlegget vil få brev i forkant av møte, samt ein rapport som viser resultat av tilsynet. Prisen gjeld per anlegg, det vil seie at gebyret blir fordelt på einingane som er tilklopa anlegget.

### SLAMTØMMING

Om du har eit anlegg som krev slamtømming, kan du unngå ekstra kostnader dersom du grev fram kumlokket før tømmefirmaet kjem. Pass òg på at anlegget har tilstrekkeleg kapasitet. Slik unngår du dyre ekstratømmingar utanom den kommunale tømmeordninga.

Prisar for slamtømming og ekstratømmingar finn du på kommunen sine heimesider:

<https://ullensvang.kommune.no/?article=gebyrreglativ>



# RENOVASJON



## Kjære abonnent!

Frå 1. januar 2021 har Ullensvang renovasjon ansvar for renovasjonstenesta i heile kommunen. Vi får to ulike innsamlingsordningar. I tidlegare Odda kommune held vi fram med returpunkt, og dei gamle IHM-abonnentane fortset med eigne behaldarar. Tømmekalender blir lagt ut på heimesidene til kommunen.

Vi tek sikte på at tømmedagane blir dei same som før. Ullensvang kommune har tilsett fleire personar i renovasjonstenesta og skal vere klar til å utføre arbeidet på ein god måte for innbyggjarane. Vi håpar alle blir nøgde og oppmodar om å kontakte oss med eventuelle spørsmål eller forslag til endringar!

### KONTAKT OSS:

Måndag til fredag: 09:00 – 14:00

Sentralbord: 53 65 40 00

Mobil: 482 78 733

E-post: [postmottak@ullensvang.kommune.no](mailto:postmottak@ullensvang.kommune.no)

### Opningstider på miljøstasjonane frå 1. januar 2021:

**Jondal:** Torsdag kl. 12.00 - 18.00, samt 4. laurdag i kvar måned kl. 12.00 - 15.00

**Kinsarvik:** Tysdag kl. 12.00 - 18.00

**Lindenes:** Måndag kl. 11.00 - 20.00 og torsdag kl. 11.00 - 18.00 samt 1. og 3. laurdag i kvar måned kl. 12.00 - 15.00

**Røldal:** 2. laurdag kvar måned kl. 12.00 - 15.00

**Utne:** Måndag kl. 12.00 - 18.00

# Betaling for volum, ikkje vekt

Frå 1. januar 2021 blir det betaling for volum, og ikkje vekt, ved miljøstasjonane. Dei gamle 300 kilo som var gratis for innbyggjarane i gamle Odda kommune fell då bort. I tillegg blir det ikkje tillate å levere avfall i farga avfallssekkar. Kvar farga sekk vil medføre kr 40,- i gebyr. Dette gjer vi for å få meir kontroll på innhaldet i sekkane.

## For privat hushald gjeld følgjande prisar:

Mengde	Pris
Inntil 0,5 m <sup>3</sup>	50,-
Inntil 1 m <sup>3</sup>	100,-
Inntil 2 m <sup>3</sup>	150,-
Inntil 3 m <sup>3</sup>	250,-
Inntil 4 m <sup>3</sup>	300,-
Inntil 5 m <sup>3</sup>	350,-
Inntil 6 m <sup>3</sup>	450,-

Ved avfallsmengder over 6 m<sup>3</sup> må du avtale levering på førehand. Prisane er inkl. mva.

## For næring gjeld følgjande prisar:

Mengde	Pris
Inntil 0.02 m <sup>3</sup>	400,-
Inntil 1 m <sup>3</sup>	400,-
Inntil 2 m <sup>3</sup>	600,-
Inntil 3 m <sup>3</sup>	900,-
Inntil 4 m <sup>3</sup>	1 200,-
Inntil 5 m <sup>3</sup>	1 600,-
Inntil 6 m <sup>3</sup>	2 000,-
Inntil 7 m <sup>3</sup>	2 400,-
Inntil 8 m <sup>3</sup>	2 800,-
Inntil 9 m <sup>3</sup>	3 200,-
Inntil 10 m <sup>3</sup>	3 600,-
Kvar m <sup>3</sup> over 10 m <sup>3</sup>	400,-

## RENOVASJONSGBYR FOR HUSHALD

Renovasjonsgebyret for hushald og hytter skal dekkje kostnader med renovasjonsordninga for hushaldsavfall, til dømes transport og handsaming av avfallstypar. Det skal òg dekkje investeringar i til dømes miljøstasjonar og avfallsmottak, utstyr og naudsynte miljøtiltak.

[ullensvang.kommune.no/?article=renovasjonsabonnement](https://ullensvang.kommune.no/?article=renovasjonsabonnement)





# Bioavfall

Bruk bioposar - desse vert brotne ned under komposteringa. Du får tak i bioposar i dei fleste daglegvarebutikkar. Matavfallet blir køyrd til komposteringsanlegg, der det blir omdanna til god og næringsrik jord.

## KVA SKAL SORTERAST SOM BIOAVFALL?

### JA TAKK:

- Matrestar av alle slag
- Kaffigrut, kaffifilter, teposar
- Eggeskal, restar av reker og andre skaldyr
- Visne blomar, gamle potteplanter (utan potte!)
- Lauv, sagflis
- Kjøkenpapir, papirserviettar
- Avispapir
- Bein, fjør

### NEI TAKK:

- Glas
- Plast
- Metall
- Drikkekartongar
- Farleg avfall
- Elektrisk- og elektronisk avfall (EE)
- Impregnert eller måla trevirke
- Slakteavfall
- Bleier
- Hundeposar

## GLAS- OG METALLEMBALLASJE

All rein og tom emballasje av glas eller metall kan sorterast:

- Hermetikkboksar
- Korkar og lokk av metall
- Aluminiumsformer/ -folie til leverpostei o.l.
- Drikkeboksar utan pant
- Glasflasker utan pant til vin, brus o.l.
- Syltøyglass, sausglass, barnematglass og liknande
- Tomme parfyme- og deodorantflasker i glas
- Hudkremkrukker i glas
- Tomme medisinglas

Hugs at eldfaste former, drikkeglas og keramikk/porselen ikkje skal leverast i konteinaren for glas og metall.

## MILJØGEVINST

Når vi bruker kjeldesortert glas i glasproduksjonen sparer vi 20 % energi. Ved å gjenvinne aluminium brukar vi kun 5 % av energien det tar å utvinne nytt aluminium. Både glas og metall kan gjenvinnast i det uendelege utan å tape kvalitet.





# Papir og drikkekartong

Dei fleste kundar har tilgang til papirbeholdar med blått lokk. Alt av papir og drikkekartong skal kastast laust i papirbeholdaren. Vi tømmer beholdaren kvar 4. veke.

## JA TAKK:

- Aviser og reklame
- Vekeblad og magasin
- Drikkekartongar og andre kartongar til saus, pudding o.l.
- Konvoluttar (riv helst av plastvinduget)
- Emballasjekartong til pizza, frukostblanding, fiskepinnar o.l.
- Skrivepapir
- Bøker i paperback-utgåve

## NEI TAKK:

- Pappkrus - og tallerkenar
- Eggekartong
- Gåvepapir og glansa julepapir
- Serviettar og tørkepapir
- Bøker med hard perm
- Kvitteringar
- Suppe- og krydderposar i papir med aluminiumsfilmm på innsida

## PAPP

Papp skal sorterast for seg sjølv, og kan leverast gratis til miljøstasjonane. Våt papp skal i restavfallet.

## KVA SKJER MED PAPIR, DRIKKEKARTONGAR OG PAPP?

Papiret blir sendt til ulike fabrikkar der det blir til nytt papir. Trykksverte, lim og stiftar blir fjerna.

Den reine massen med returfiber blir til mellom anna avisepapir, pappesker, dopapir og skrivepapir. Drikkekartongar blir frakta til Sverige, der dei blir til pizza- og cornflakesesker.

Hugs at det ikkje er nødvendig å fjerne plastkorkar frå drikkekartongar. Dei forsvinn i gjenvinningsprosessen. Lag kubbar av drikkekartongane, då sparar du plass.

## MILJØGEVINST

Ved bruk av returpapir er trefibrane allereie separert. Det blir derfor brukt mindre energi for å produsere papir frå returpapir. Trefibrane kan brukast om att 6-8 gongar før dei blir utslitne. Vi sparar 14 tre per tonn gjenvunne papir. Energiforbruket ved bruk av returpapir utgjer i underkant av 40 % av energiforbruket ved ny produksjon.

Her kan du lese meir om kva som skjer med innsamla papir, papp og drikkekartong:

<https://bir.no/slik-sorterer-du/papir-papp-og-drikkekartong/>

All rein og tørr plastemballasje kan og bør kastast i plastavfallet.

## JA TAKK:

- Plastboksar til is, peparkaker, salat o.l.
- Kaffiposar i rein plast utan aluminiumsfilmm
- Plastbeger til yoghurt, rømme o.l.
- Emballasjebrett til kjøtt, fjørfe o.l.
- Plastflasker til ketsjup, dressing o.l. (leverast saman med kork som er skrudd av)
- Plastposar og -folie
- Plastkanner (leverast saman med kork som er skrudd av), hugs at plastkanner som er merka med giftsymbol ikkje skal i plastavfallet

## PLASTEMBALLASJEN MÅ VERA REIN


Mykje av plastemballasjen er rein nok når han er tom. Ein salamipakke treng du for eksempel ikkje å skylje sjølv om han er litt feittete. Rømmebeger, ketsjupflasker og liknande bør du derimot skylje.

Skrap av synlege matrestar, slik at du unngår å skylje store mengder matrestar i avløpet. Bruk kaldt vatn! Det er lite miljøvennleg å bruke varmt vatn for å reingjere emballasjen. Plasten må vere rein for å kunne brukast på nytt, og bør vere såpass rein at han ikkje kjem til å lukte. Plasten blir lagra og transportert vidare frå oss, og det tek litt tid før han kjem fram til gjenvinningsstaden. Dersom plasten ikkje er rein, skal han kastast i restavfallet.


## MILJØGEVINST

Plast blir framstilt av olje – ein ressurs som ikkje er fornybar. Til produksjon av eitt tonn plast går det med eitt tonn olje eller gass som råstoff, og eitt tonn olje som energi. Ved å gjenvinne eitt tonn plast, blir det spart to tonn olje og eitt tonn CO<sub>2</sub>. Hugs at dei grønne bioposane ikkje skal i plastavfallet!

Her kan du lese meir om kva som skjer med innsamla plast: <https://www.grontpunkt.no/gjenvinning/plast-emballasje-fra-husholdninger/>



VASK HVER ETASJE  
RYDD DIN GARASJE  
FJERN DET DU IKKE KAN BRUKE  
KLIPPE, TRIMME, RAKE, LUKE  
VEKK MED BLADER, KVIST OG GREINER  
LINDUM LÅNER DEG CONTAINER!



53 65 19 00  
WWW.LINDUM.NO  
CONTAINER@LINDUM.NO



Hildal rensesanlegg, Odda

# Norconsult



Norconsult er Noregs største verksemd innan tverrfaglege tenester retta mot samfunnsplanlegging, prosjektering og arkitektur. Norconsult Hardanger og Voss er om lag 30 tilsette og har kontor i Odda, i Eidfjord og på Voss. Kombinasjonen av lokalkunnskap og spisskompetanse er vår styrke!

[www.norconsult.no](http://www.norconsult.no)

Rørleggar  
Nils Torgrimsen AS



Sandeidvegen 15, 5580 Ølen  
Tlf. 53 76 80 62

## Rørleggerbedrift med mer en 40 års erfaring

Butikk i Ølen • Gulvvarme • Hytter  
Service oppdrag • Vannbehandlingsanlegg



## Takk til våre samarbeidspartnere!



- Tømrer- og snekkerarbeid
- Grunn- og betongarbeider
- Industrivedlikehold
- Asbestsanering
- Betongrehabilitering
- Salg av byggevarer



 **HØYER**  
**ODDA a.s**  
INGENIØR- OG ENTREPRENØRFORRETNING

  
**SENTRALT  
GODKJENT**

Tlf. 53 64 80 20 • [www.hoyer-odda.no](http://www.hoyer-odda.no)

 **RØYNSTRAND**  
ENTREPRENØR AS


SPESIALIST PÅ TOTALENTREPRISAR  
INNANFOR BYGG OG ANLEGG



- VA-arbeid
- Grunn- og betongarbeid
- Tømrrar- og snikkararbeid
- Murararbeid
- Rehabilitering
- Stikningsarbeid
- Totalentreprisar

Vorravegen 44, 5750 Odda  
Tlf. 53 65 00 30  
E-post: [postmaster@roynstrand.no](mailto:postmaster@roynstrand.no)

[www.roynstrand.no](http://www.roynstrand.no)



# Ullensvang kommune

**Postadresse: Opheimsgata 31, 5750 Odda**

Sentralbord: 53 65 40 00

Måndag til fredag: 09:00 – 14:00

E-post: [postmottak@ullensvang.kommune.no](mailto:postmottak@ullensvang.kommune.no)

